

Strane u okvirnom sporazumu:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar, Admir Katica (u daljem tekstu: Ugovorni organ) i

Autoelektra d.o.o. Sarajevo, Patriotske lige 10, kojeg zastupa direktor Dalila Sarajlić (u daljem tekstu: Dobavljač)

zaključile su:

OKVIRNI SPORAZUM

nabavka rezervnih autodijelova za motorna vozila marke Sang Yong Ministarstva unutrašnjih poslova Kantona Sarajevo - LOT 3

Strane u okvirnom sporazumu saglasno konstatuju:

- da je u skladu sa Zakonom o javnim nabavkama BiH ("Službeni glasnik ", broj: 39/14, 59/22 i 50/24) proveden je postupak nabavke rezervnih autodijelova za motorna vozila Ministarstva unutrašnjih poslova Kantona Sarajevo sa podjelom na LOT-ove, sa ciljem zaključivanja okvirnog sporazuma sa jednim ponuđačem na period od 24 (dvadeset četiri) mjeseca;
- Nabavka je izvršena putem konkurentskog zahtjeva za dostavu ponuda, a na osnovu Odluke broj: 04-1-11-4-7278/25 od 10.11.2025. godine i Obavještenja o nabavci broj: 1364-7-1-86-3-82/25 od 10.11.2025. godine;
- Okvirni sporazum se zaključuje na osnovu Odluke o izboru ponuđača broj: 04-1-11-4-7278-4/25 od 02.12.2025. godine,
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
 - Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Dobavljača broj: 1020-031-XI/25 od 20.11.2025. godine i Izvještaju o toku i završetku e-aukcije od 20.11.2025. godine.

Član 1.

Predmet Okvirnog sporazuma je nabavka rezervnih autodijelova za motorna vozila marke Sang Yong Ministarstva unutrašnjih poslova Kantona Sarajevo kao Ugovornog organa. Ugovorni organ i dobavljač su saglasni da sporazum realizuju prema već definisanim uslovima u obavještenju o javnoj nabavci u postupku javne nabavke, tenderskoj dokumentaciji javne nabavke i ponudi dobavljača.

Član 2.

Ukupna vrijednost okvirnog sporazuma iznosi 1.804,99 KM bez PDV-a (hiljadu osam stotina četiri i 99/100 KM)

Cijene su fiksne i ne mogu se mijenjati za vrijeme važenja ovog okvirnog sporazuma.

Član 3.

Dobavljač se obavezuje da će u skladu sa odredbama sporazuma i ugovora isporučivati robe sukcesivno i kontinuirano na osnovu zahtjeva ugovornog organa.

Član 4.

Ugovorni organ će Dobavljaču izvršiti plaćanje ugovorene vrijednosti iz člana 2. ovog ugovora, na slijedeći način: 30 dana od dana nastanka obaveze i po dostavljanju računa za isporučenu robu.

Član 5.

Dobavljač se obavezuje da će isporuku izvršiti u skladu sa zahtjevima ugovornog organa i da će odmah postupiti po eventualnim primjedbama ugovornog organa, u pogledu eventualnih nedostataka na ime kvaliteta isporučene robe.

Ugovorni organ će pismeno obavjestiti dobavljača o svim primjedbama i utvrditi razuman rok za ispravku propusta vezano za isporuku robe.

Član 6.

Dobavljač daje garanciju za isporučenu robu 12 mjeseci računajući od dana isporuke robe.

Član 7.

Sporazum se zaključuje na period 24 mjeseca od obostranog potpisivanja, odnosno do maksimalne finansijske vrijednosti iz člana 2. Ovog sporazuma.

Član 8.

Ugovorne strane su se sporazumjele da će sve eventualne nejasnoće i sporove nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

Član 9.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju okvirnog posrsuma/ugovora, odnosno od početka realizacije ugovora.

Član 10.


Na ostala prava i obaveze ugovornih strana, koja nisu regulisana ovim sporazumom primjenjivaće se odredbe Zakona o obligacionim odnosima.

Član 11.


Sporazum stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti ili isteka okvirnog sporazuma.

Član 12.

Ovaj sporazum sačinjen je u 4 (četiri) istovjetna primjerka, od kojih po 2 (dva) primjerka zadržava svaka od ugovornih strana.



Broj: 123176
Datum: 5.2.26



Broj: 04-1-11-4-7278-8/25
Datum: 04.02.2026.